

ELEKTRONSKE VIJESTI

Maj / Juni 2017

Poštovani,

U ovomjesečnom broju elektronskog biltena Vam donosimo novosti objavljene na web stranici Vanjskotrgovinske komore Bosne i Hercegovine, listu otvorenih poziva/tendera, nove ponude preduzeća iz inostranstva, novosti partnera konzorcija EEN FBiH, kalendar događaja poslovnog povezivanja kao i aktuelne informacije iz EU iz različitih oblasti.

Novosti Vanjskotrgovinske komore BiH:

[Poziv kompanijama za učešće na konferenciji „Značaj WTO i Protokola 5 u okviru CEFTA-e“](#)



Vanjskotrgovinska/Spoljnotrgovinska komora Bosne i Hercegovine u saradnji sa DIHK CEFTA projektom organizira konferenciju o značaju WTO-a i Protokola 5 u okviru CEFTA regiona, koja će se održati 5. jula 2017. godine, u prostorijama Vanjskotrgovinske/Spoljnotrgovinske komore BiH (Branislava Đurđeva 10, Sarajevo) sa početkom u 10:00 sati.

Cilj konferencije je upoznavanje privrednih društava sa novinama u oblasti prekogranične saradnje, te uspostavljanje bolje saradnje između carine i predstavnika privatnog sektora, kroz otvoren i konstruktivan dijalog o specifičnim temama sa kojima se firme susreću a koje se tiču olakšica koje donosi Protokol 5. Poseban akcenat će biti stavljen na temu o pojednostavljenim postupcima. Učesnici konferencije su predstavnici institucija, poreskih uprava, inspeksijskih organa, privrednih komora i privrednih društva.

[Poziv za učešće na „Svjetskom forumu za razvoj izvoza“ i B2B susretima](#)



Vanjskotrgovinska/Spoljnotrgovinska komora Bosne i Hercegovine obavještava da će se u organizaciji Međunarodnog trgovinskog centra (International Trade Centre – ITC), institucije Organizacije ujedinjenih nacija (OUN), uz podršku Ministarstva vanjskih poslova i spoljne trgovine Mađarske, 25 i. 26. oktobra 2017. godine u Budimpešti održati „Svjetski forum za razvoj izvoza“ (World Export Development Forum). U okviru događaja, 24. i 25. oktobra bit će organizirani B2B (biznis-to-biznis) susreti za privrednike koji posluju u sljedećim oblastima:

- poljoprivredne tehnologije za ratarstvo i proizvodnju uljarica,
- ratarstvo,
- proizvodnja uljarica.

B2B događaj će okupiti poljoprivrednike, proizvođače, trgovce na veliko i malo, izvoznike, uvoznike i investitore iz cijelog svijeta, koji su zainteresovani za prodaju, kupovinu ili ulaganje u poljoprivredne tehnologije ili proizvode. Učešće na B2B susretima je besplatno, a sve kompanije će imati priliku da se sastanu sa novim potencijalnim poslovnim partnerima, da ispitaju nove oblasti saradnje, kao i da prisustvuju praktičnim sesijama Foruma.

[Poziv za aplikante iz BiH za nagradu „Green World Environment Award“](#)



Vanjskotrgovinska/Spoljnotrgovinska komora Bosne i Hercegovine obavještava da je Udruženje „The Green Organisation“ Northhampton uputilo poziv svim relevantnim institucijama i kompanijam u Bosni i Hercegovini da apliciraju i učestvuju na takmičenju za „Green World Environment Award“. Više informacija o nagradi za najbolja dostignuća u zaštiti čovjekove okoline za kompanije, organizacije i vlade, dostupno je na www.thegreenorganisation.info.

[Poziv za učešće na sajmu AMBIENTA 2017](#)



Vanjskotrgovinska/Spoljnotrgovinska komora Bosne i Hercegovine obaviještena je da će se Međunarodni sajam namještaja, unutarnjeg uređenja i prateće industrije- AMBIENTA, 44. po redu, održati od 11. do 15. oktobra 2017. godine u Zagrebu. AMBIENTA je sajam međunarodnog ugleda, jedini nacionalni sajam međunarodnog značaja i najveći poslovni događaj u području drvne industrije i industrije namještaja u gradu Zagrebu i Republici Hrvatskoj. Bogat program stručnih i popratnih

aktivnosti – prezentacije, demonstracije proizvoda i usluga, savjetovanja, okrugli stolovi te atrakcije za posjetitelje dio su i ovogodišnje AMBIENTE.

Novosti partnera Konzorcija EEN FBiH

ZEDA- Zenička razvojna Agencija : Predstavnici Agencije ZEDA učestvovali na 14. Drvno-tehnološkoj konferenciji u Opatiji i drugom sastanku projekta FORESDA

Drvno-tehnološka konferencija je organizovana je u Opatiji i predstavlja centralni događaj kojem je ove godine prisustvovalo preko 350 različitih aktera predstavnika preduzeća, institucija i udruženja iz industrije šumarstva i drvoprerade i vezanih djelatnosti iz Hrvatske i šire regije. Glavne teme konferencije ove godine su bili izazovi i ograničenja za dalji rast djelatnosti šumarstva/drvoprerade, institucionalno okruženje, gradnja drvetom, tehnologije i tehnološka rješenja te sirovinski resursi. U sklopu konferencije su održane i post-konferencijske aktivnosti, kao što su projektno umrežavanje naučno-istraživačke zajednice i drugi sastanak konzorcija projekta FORESDA.

Projekat FORESDA je sufinansiran sredstvima Europske unije, u okviru Transnacionalnog programa Dunav (Danube Transnational Programme).

Svojim djelovanjem, FORESDA će imati značajan doprinos u transformaciji tradicionalnih temelja oblasti šumarstva u inovativna, moderna područja, doprinijet će razvoju inovacijskih-friendly ekosistema s ciljem poboljšanja ili preoblikovanja postojećih lanaca vrijednosti. Poboljšat će inovacijske kulture u malim i srednjim poduzećima i sl. Glavni rezultat je povećanje efikasnosti aktivnosti kolaborativnih istraživanja i inovacija u šumskom sektoru, stvarajući na kraju nove međusektoralne lance vrijednosti.

Na sastanku konzorcija projekta FORESDA su prezentovani ostvareni rezultati dosadašnjih aktivnosti projekta, usaglašen plan implementacije narednih aktivnosti te razjašnjena sva važna pitanja vezana za implementaciju projekta. Domaćin ovog događaja bio je Hrvatski drvni klaster.

ZEDA- Zenička razvojna Agencija : Predstavnici iz Turske posjetili agenciju ZEDA i Zeničke privrednike

06.juna 2017. godine u Impulsnom kreativnom centru Agencije ZEDA, privredna delegacija Regije Marmaris, Turska sastala se s privrednim subjektima grada Zenice. Ovom prilikom u fokusu su bili privrednici koji djeluju u oblasti turizma i srodnim djelatnostima.

Ovom prilikom Zenicu su posjetili g. Mehmet Baysa; Predsjednik Marmaris Privredne komore, g.Cuneyt Unver; Generalni sekretar Privredne komore, g. Bulent Bulbuloglu; Predsjednik Udruženja hotelijera, g. Cahit Saribey; Menadžer Udruženja hotelijera, g. Ali Kirli; Predsjednik Tursab – Udruženje turističkih agencija, g. Menderes Akbulut; Generalni sekretar Tursab-a, te g. Erdinc Ekin; Član odbora Tursab-a.

Događaju su prisustvovali i predstavnici Grada Zenice, Turističke zajednice Zeničko-dobojskog kantona, Privredne komore ZE-DO kantona, Udruženja poslodavaca Zenica, Poslovnog sistema RMK Zenica koji je organizator Generalnog bh. sajma ZEPS te predstavnici turističkih agencija koji su gostima iz Turske detaljnije pojasnili oblasti u kojima djeluju.

UNSA (UNIVERZITET U SARAJEVU) Sporazum između UNSA i Međunarodnog instituta za bliskoistočne i balkanske studije (IFIMES)



Univerzitet u Sarajevu i Međunarodni institut za bliskoistočne i balkanske studije (IFIMES) su u četvrtak 8. juna 2017. godine u Rektoratu Univerziteta u Sarajevu potpisali Sporazum o akademskoj saradnji s ciljem promoviranja akademske, obrazovne i kulturne saradnje između dvije institucije. Sporazum o akademskoj saradnji potpisali su prof. dr. Rifat Škrijelj, rektor Univerziteta u Sarajevu, i doc. dr. Zijad Bećirović, direktor Međunarodnog instituta za bliskoistočne i balkanske studije, u prisustvu direktora IFIMES-a gospodina Bakhtyara Aljafa i prorektora Univerziteta u Sarajevu: prof. dr. Aide Hodžić, prof. dr. Izeta Rađe, prof. dr. Željka Šaina i prof. Zijada Mehića.

UNSA (UNIVERZITET U SARAJEVU): Održan seminar „Metodologija istraživačkog rada – put ka izvrsnosti“



Dvodnevni seminar pod nazivom „Metodologija istraživačkog rada – put ka izvrsnosti“ održan je 5. i 6. juna 2017. godine u Rektoratu Univerziteta u Sarajevu, s ciljem unapređenja vještina mladih istraživača Univerziteta u Sarajevu u vezi sa planiranjem i provođenjem istraživanja, te pisanjem naučnih radova i prezentacijom istraživačkih rezultata.

Seminar je organiziran u okviru Erasmus+ projekta Re@WBC Jačanje istraživačkog potencijala u visokom obrazovanju za napredan razvoj regiona ZB (Enhancement of HE research potential contributing to further growth of the WB region) u kojem učestvuje Univerzitet u Sarajevu.

Projekt Horizont 2020 – iMARECULTURE



Elektrotehnički fakultet Univerziteta u Sarajevu je preko **Sarajevo Graphics grupe** postao prvi partner iz Bosne i Hercegovine u istraživačkom projektu *Horizont 2020 iMARECULTURE*, koji se finansira iz granta Evropske komisije. Projektni prijedlog u kome je partner bila Sarajevo Graphics grupa je izabran među četiri prijedloga u odnosu na 95 koji su pristigli na poziv, a čemu su doprinijele i već priznate ekspertize ove grupe u oblasti interaktivnog digitalnog pripovijedanja, potvrđene u velikom broju domaćih i međunarodnih projekata.

U okviru projekta *iMARECULTURE*, multidisciplinarni tim eksperata iz Sarajeva je osmislio novi metod interaktivnog digitalnog pripovijedanja pod nazivom **hyper-storytelling** koji je implementirao na priči o brodu Kyrenia, potonulom uz obale Kipra oko 288. godine prije nove ere. Riječ je o šest

interaktivnih priča čije sklapanje vodi do mogućnosti da se kroz naprednu virtuelnu realnost zaplovi brodom Kyrenia.

Posjeta predstavnika Evropskog centra za nuklearna istraživanja (CERN)



Rektorat Univerziteta u Sarajevu posjetili su predstavnici Evropskog centra za nuklearna istraživanja (CERN) i organizatora škole „Sarajevo School of High Energy Physics 2017“: prof. Christoph Schäfer, prof. Claude Charlot, prof. Tadeusz Kurtyka i prof. Ilja Doršner. Riječi dobrodošlice gostima je uputio prof. dr. Rifat Škrijelj, rektor Univerziteta u Sarajevu, koji ih je dočekaao sa prorektorima prof. dr. Izetom Rađom, prof. dr. Zijadom Mehićem, prof. dr. Aidom Hodžić i prof. dr. Željkom Šainom.

U toku susreta razgovarano je o mogućnostima da Bosna i Hercegovina postane član CERN zajednice, te o mogućnostima saradnje između Univerziteta u Sarajevu i CERN-a, što bi doprinijelo korištenju mnogih benefita u obrazovnim programima, poboljšanju rada istraživačkih laboratorija te organizaciji ljetnih škola.

[Razvojna agencija Unsko-sanskog kantona \(RAUSK\): “U organizaciji RAUSK i NP Una u Bihaću održan susret partnera na projektu ECOSUSTAIN”](#)



U organizaciji Razvojne agencije Unsko-sanskog kantona i Nacionalnog parka „Una“ u Bihaću se održava susret partnera na projektu Ecosustain, ekološko upravljanje mediteranskim zaštićenim područjima. Sastanku prisustvuje deset partnera iz pet zemlja, među kojima su i predstavnici tri nacionalna parka. Ekološko upravljanje mediteranskim zaštićenim područjima putem naučnog znanja, tehničke implemenatacije i baze menadžerskog znanja u trajanju od 30 mjeseci, čiji je vodeći aplikant Pomorski fakultet i Sveučilište u Rijeci, provodi se na području Bosne i Hercegovine, Hrvatske, Italije, Grčke i Španije iz oblasti zaštite bioraznolikosti. Riječ je o projektu u sklopu kojeg će se, uz pomoć modernih tehnologija, vršiti nadzor kvalitete vodnih površina u pet zaštićenih područja. Domaćin i organizator sastanka u Bihaću su Razvojna agencija Unsko-sanskog kantona i Nacionalni park „Una. Projektom je predviđena izrada aplikacije koja će biti instalirana u četiri Nacionalna parka u Evropi. Jedan od glavnih ciljeva je održati biološku raznolikost i jedinstvenost ekosistema. U projekat je uključen i Nacionalni park „Una“. Vršiće se određena mjerenja i monitoring stanja vode u gornjem toku rijeke Une, u Nacionalnom parku, a nizvodno od naselja, Martin Brod, Kulen Vakuf i Orašac. Ovim postupkom svaka dva sata biće dostupne informacije kada je u pitanju oksidacija, te pH vrijednost vode kako bi se na vrijeme moglo reagirati u slučaju nekog dizbalansa u rijeci Uni.

Razvojna agencija Unsko-sanskog kantona (RAUSK): "Uspješno održana Atlantbh Dev Days radionica u Bijaću"



U Bijaću je završena dvodnevna radionica Dev Days u organizaciji Razvojne agencije Unsko-sanskog kantona, Tehničkog fakulteta u Bijaću i IT firme Atlantbh iz Sarajeva. Ovo je bio prvi događaj na kojem su studenti, učenici srednjih škola i svi oni koji posjeduju predznanje iz informatike uz mentorstvo inženjera koji rade u Atlantbh firmi i studenata ETF-a i članova organizacije EESTEC iz Sarajeva radili na izradi web aplikacije. Učesnici radionice su bili podijeljeni u timove, a njihov zadatak je bio da u kratkom periodu naprave funkcionalan proizvod i prezentuju ga pred žirijem kojeg čine članovi domaće IT firme IDK Studio iz Bijaća, Tehničkog fakulteta i firme Atlantbh. Pobjedničkom timu su uručene nagrade.

Poslovne ponude maj/juni

Baza podataka (objavljeno):
Prije sedam dana: 18
Prije mjesec dana: 99
Prije devedeset dana: 264
Prije godinu dana: 795
Ažurirano: 07.06.2017.

Napomene:

Sve ponude koje su prezentovane u Biltenu poslovne saradnje za april 2017. godine odabrane su iz Baze poslovne saradnje EEN mreže po kriterijima koji su prilagođeni proizvođačima i onim davaocima usluga iz Bosne i Hercegovine koji su izvozno opredjeljeni, tj. daje se prednost onim ponudama iz inostranstva koje bi u slučaju realizacije povećale izvoz roba i usluga iz Bosne i Hercegovine.

Putem dole datog linka možete pronaći opciju search (Partnering opportunities) i SAMI pregledati sve poslovne ponude/zahtjeve od strane ino-preduzeća:

<http://een.ec.europa.eu/tools/services/SearchCenter/Search/ProfileSimpleSearch?shid=32db25cb->

EEN BiH PS 1 – Maj /Juni 2017

Objavljena: 30.05.2017

Ističe: 30.05.2018.

Ažurirana: 07.06.2017

Naslov: Italijanski distributer i komercijalni agent traži proizvođače pidžama i veša

Opis: Italijanski distributer i komercijalni agent specijalizovan za distribuciju pidžama, veša i kupaćih kostima je vremenom razvio snažnu distribucijsku mrežu za navedene artikle. Kako bi proširili svoj

asortiman proizvoda, italijanska kompanija je u potrazi za proizvođačima pidžama i veša napravljenih od prirodnih materijala, kako bi prodavali te proizvode u Italiji pod komercijalnim ili distribucijskim ugovorom. Firma je osnovana 1985. godine i posjeduje široku mrežu potencijalnih kupaca (800 kontakata), posebno u centralnoj Italiji. Firma je ostvarila već internacionalnu saradnju (naročito sa Španijom), a sada je u potrazi za trgovačkim partnerima koji su kvalitetni proizvođači gore navedenih proizvoda po konkurentnim cijenama. Glavne prednosti koje ova firma može ponuditi potencijalnom partneru su dugogodišnje iskustvo, obučeno i stručno osoblje i rasprostranjena mreža potencijalnih kupaca. Vrsta saradnje: Od potencijalnog partnera se očekuje iskustvo u proizvodnji pidžama, donjeg veša i kupaćih kostima.

EEN BiH PS 2 – Maj /Juni 2017

Objavljena: 25.05.2017.

Ističe: 25.05.2018.

Ažurirana: 07.06.2017.

Naslov: Portugalska kompanija u potrazi za proizvođačima i dobavljačima vakumskih kesa sa plastičnim i metalnim zatvaračem

Opis: Portugalska kompanija koja nudi usluge menadžmenta i skladištenja za materijale za pohranjivanje audio i video materijala, kao što su kasete i hard diskovi, je u potrazi za proizvođačima i dobavljačima sigurnosne vrećice sa plastičnim i metalnim zatvaračem, te za ostalim rješenjima za čuvanje povjerljivog materijala, radi potpisivanja ugovora o proizvodnji i distribuciji. Kompanija je osnovana 2013.godine i bavi se skladištenjem i menadžmentom back up medija, kasete i hard diskova. Ova firma je prepoznatljiva po sposobnosti da zadovolji potrebe klijenata, da pruži fleksibilna i inovativna rješenja za klijente sa specifičnim zahtjevima. Portugalska firma posjeduje sertifikat ISO-17712. Vrsta saradnje: Od potencijalnog partnera se traži da budu proizvođači i dobavljači sigurnosnih vrećica sa plastičnim i metalnim zatvaračem..

EEN BiH PS 3 – Maj /Juni 2017

Objavljena: 11.12.2015.

Ističe: 06.12.2017.

Ažurirana: 07.06.2017.

Naslov: Turska kompanija koja se bavi distribucijom u potrazi za dobavljačima sjemena povrća, trave i stočne hrane

Opis: Turska kompanija iz Ankare koja se bavi distribucijom sjemena u potrazi je za dobavljačima sjemena povrća, trave i stočne hrane. Firma je osnovana 2012.godine i saraduje sa internacionalnim kompanijama koje se bave proizvodnjom sjemena. Firma je autorizovana od strane Ministarstva za prehrambu i agro industriju. Turska firma je poznata po proizvodnji sjemena povrća, žita, razne trave i stočne hrane. Bave se, takođe, metodologijom pripremanja i održavanja travnjaka i busenja u saradnji sa lokalnim univerzitetima. Vrsta saradnje: Turska kompanija nudi potpisivanje ugovora o trgovini ili distribuciji partnerima koji su spremni dostaviti visokokvalitetna sjemena po evropskim standardima i prihvatljivim cijenama

EEN BiH PS 4 - Maj /Juni 2017

Objavljena:31.03.2017.

Ističe: 31.03.2018.

Ažurirana: 07.06.2017.

Naslov: Slovenska start-up kompanija specijalizovana za recikliranje otpadnog materijala je u potrazi za proizvođačima torbi za bicikla.

Opis: Slovenska start-up kompanija koja je specijalizovana za recikliranje otpadnog materijala je u potrazi za proizvođačima torbi za bicikla. Ova firma je kreirala torbe za bicikla od oštećenih unutrašnjih guma. Torbe mogu biti različitih oblika i veličina i pogodne su za sve vrste bicikala. One su opremljene trakama od kože za lakše postavljanje na bilo koju vrstu bicikla. Kompanija proizvodi širok spektar torbi za bicikla naročito namjenjene za putnike, urbane i mountain, cross riders bicikliste. Torbe su pogodne i za ostale bicikliste jer imaju dosta prostora za skladištenje stvari za svakodnevnu upotrebu. Sve torbe su ručno napravljene i trenutno se proizvode u Sloveniji. Materijali se uglavnom nabavljaju u Italiji. Otpadni materijal se prvo sortira, potom očisti i siječe kako bi se koristio za šivenje. Rajsfesluši ili čičak trake se dodaju na kraju. Kompanija želi da smanji proizvodne troškove, zbog čega je u potrazi za profesionalnim proizvođačima. Vrsta saradnje: Slovenačka kompanija nudi potpisivanje ugovora o proizvodnji onim kompanijama koje su spremne proizvoditi torbe od eko materijala, po prihvatljivim cijenama. Potencijalni partner bi trebalo da posjeduje iskustvo u šivanju i radu sa kožom.

EEN BiH PS 5 – Maj / Juni 2017

Objavljena: 24.04.2017.

Ističe: 24.04.2018.

Ažurirana: 07.06.2017

Naslov: Francuska kompanija u potrazi za proizvođačima, trgovcima ili distributerima zdrave i ogranske hrane Francuska kompanija koja se bavi distribucijom 100% zdravih i organskih proizvoda je u potrazi za evropskim partnerima kao što su proizvođači, trgovci ili distributeri čipsa od povrća i voća, zdravih čokoladica i voćnih štangli, koje je etiketirano radi distribucije proizvoda u Francuskoj. Ova kompanija je prva razvila liniju proizvoda-organskih napitaka, baziranih isključivo na biljkama. Ova pića su zdrava i ukusna i imaju najrazličitije ukuse (hibiskus, zeleni čaj, limun, đumbir...). Distribucija ovih napitaka se vrši u Evropi i Kanadi u prodavnicama zdrave hrane i u restoranima. Francuska kompanija je u potrazi za partnerima kako bi proširila asortiman zdravih i organskih proizvoda kao što je čips od voća i povrća, grickalice od sirove hrane, krekeri, biskviti... Ova kompanija je stalno fokusirana na inovacije, što se tiče novih okusa i tehnika proizvodnje. Vrsta saradnje: Poizvođač, trgovac ili distributer čipsa, zdravih čokoladica, voćnih štangli i sličnih proizvoda koji su 100% organski. Potencijalni partner bi trebao posjedovati internacionalno iskustvo

EEN BiH PS 6- Maj / Juni 2017

Objavljena: 12.05. 2016.

Ističe: 08.11.2017.

Ažurirana: 07.06.2017.

Naslov: Ruska kompanija specijalizovana za proizvodnju i trgovinu šećera, pahuljica i suhe hrane je u potrazi za proizvođačima i dobavljačima

Opis: Ruska kompanija specijalizovana za proizvodnju i trgovinu šećera, pahuljica i suhe hrane je u potrazi za proizvođačima iz drugih zemalja radi potpisivanja ugovora o distribuciji. Kompanija je također dobavljač organskog ulja, brašna, pahuljica i suhe hrane. Osnovana je 1998.godine i jedna je od vodećih kompanija u regiji u prodaji navedenih proizvoda. Zainteresovana je za pronalaženje proizvođača iz prehrambenog sektora radi uspostavljanje saradnje koja bi proizvođačima iz drugih zemalja otvorila tržište gdje djeluje ruska kompanija. Kompanija posjeduje sertifikat o kvaliteti. Vrsta saradnje: Od potencijalnog partnera se očekuje da posjeduje odgovarajuće GMO certifikate i cerifikate o kvalitetu hrane.

EEN BiH PS 7- Maj / Juni 2017

Objavljena: 06.10.2017.
ističe: 06.10.2018.
Ažurirana: 07.06.2017.

Naslov: Latvijski proizvođač iz prehrambene industrije je u potrazi za proizvođačima i dobavljačima suhog graha.

Opis: Latvijski proizvođač je u potrazi za proizvođačima i dobavljačima suhog graha pod ugovorom o proizvodnji. Firma je razvila novu liniju proizvoda za čips od graha u saradnji sa tehnolozima univerziteta u Latviji. Široka zrna graha su izvanredan izvor poroteina i vlakana, a kompanija se nada da bi to bila odlična zamjena za svakodnevne grickalice. Proizvod je dostupan u 4 ukusa: bez okusa, manje slan, manje slan sa bijelim lukom, manje slan sa lukom i origanom i već se može kupiti u spcijalizovanim prodavnicama i sezonskim marketima. Da bi kompanija osigurala proizvodnju u zimskom periodu, u potrazi je za dobavljačima materijala za pakovanje i sirovinama. Vrsta saradnje: Firma traži dobavljača ili proizvođača troslojnog pakovanja napravljenog od polietilena niske gustoće i polumetalizovanog poliestera sljedećih dimenzija: - 130mm x 200mm x 64mm - 110mm x 185mm x 65mm Očekivana količina je 5000 komada. Kompanija je također u potrazi za 5.000 kg visokokvalitetnog suhog, širokog, ljubičastog/svjetlo ljubičastog graha. Ostale boje će se uzeti u razmatranje.

EEN BiH PS 8- Maj / Juni 2017

Objavljena: 07.04.2017.
Ističe: 07.04.2018.
Ažurirana: 07.06.2017.

Naslov: Njemačka kompanija je u potrazi za dobavljačima plahti za transport od pamuka (100%) i torbi od poliestera i pamuka.

Opis: Njemačka kompanija koja se bavi proizvodnjom pomagala za ljude sa invaliditetom, nudi potpisivanje ugovora dobavljačima ili proizvođačima za dobavljanje plahti za transport i torbi. Ova kompanija je specijalizovana za izradu pomagala na odjelu gerijatrije i posjeduje iskustvo od 25 godina. Njemačka kompanija je izradila sistem sa transportnim plahtima koji omogućavaju mobilizaciju pacijenata. Vrsta saradnje: Ugovor sa dobavljanje plahti za transport i torbi. Plahte za transport moraju biti napravljene 100% od pamuka, širine 80cm, a dužine 4-6m. Velkro traka treba da bude zašivena na krajevima. Plahte bi trebale da se peru u mašini za veš na 90 stepeni. Torbe trebaju biti napravljene od čvrstog materijala (poliester i pamuk), kapaciteta 100 kg, dimenzija: 80x50x15cm, težine oko 10,5kg. Količina: Po 500-1.000 komada godišnje.

EEN BiH PS 9- Maj / Juni 2017

Objavljena: 22.03.2016.
Ističe: 18.09.2017.
Ažurirana: 07.06.2017.

Naslov: Poljska firma koja je specijalizovana za distribuciju inovativnih proizvoda za domaćinstva traži inovativne proizvode radi ekskluzivne distribucije na poljskom tržištu

Opis: Poljska firma koja je specijalizovana za distribuciju inovativnih proizvoda za domaćinstva i individualnu upotrebu, ima dugogodišnje iskustvo u distribuciji i implementaciji inovativnih proizvoda (npr.boce za vodu sa filterom, elektronskih sprava...). Firma je podedbno zainteresovana da bude eskluzivni distributer za sportske sprave na poljskom tržištu. Proizvod ne bi trebao da košta više od 100 eura za krajnjeg korisnika. Ova firma nudi distribuciju putem e-trgovine i medija (novine, tv,

blogovi...). Vrsta saradnje: Od potencijalnog partnera se očekuje proizvodnja inovativnih i jedinstvenih proizvoda koji su jednostavni za rukovanje.

EEN BiH PS 10- Maj / Juni 2017

Objavljena: 21.03.2016.

Ističe: 17.09.2017.

Ažurirana: 07.06.2017

Naslov: Francuska firma koja se bavi uvozom ambalaže za hranu i distribucijom plastičnih posuda za jogurt za francuske mljekare i agro proizvođače, traži nove dobavljače.

Opis: Francuska firma koja se bavi uvozom ambalaže za hranu i distribucijom plastičnih posuda za jogurt traži dobavljače, koji mogu proizvesti od 30 do 70 miliona posudica sa aluminijumskim poklopcima na godišnjem nivou, a po ugovoru o proizvodnji. Firma takođe prodaje i plastične posude za sir i vrhnje i traži dobavljače aluminijumskih poklopaca. Od potencijalnog partnera se zahtijeva da se plastične posude za jogurt prilagode – veličina posuda je standardna, ali farmeri i mljekari mogu birati logotip, naziv, boju, dizajn... Francuska firma takođe pomaže poljoprivrednicima i mljekarima da kreiraju print i atraktivnu naljepnicu. Plastične posude moraju biti izrađene od termički čistog polipropilena (PP). Vrsta saradnje: Potencijalnom partneru se nudi ugovor o proizvodnji. (Informacije o traženom standardu veličine i težine dostupne na upit).

Otvoreni pozivi i tenderi

HORIZON 2020

“HORIZON 2020” je do sada najveći program EU namijenjen istraživanju i inovacijama sa budžetom od 79,4 milijardi eura za period od 7 godina, odnosno od 2014. do 2020. godine. Program ima za cilj potaknuti ekonomski rast i otvoriti nova radna mjesta u Evropskoj uniji. “HORIZON 2020” objedinjuje istraživanje i inovacije i djeluje u tri prioriteta – “Vrhunska nauka”, “Industrijsko vodstvo” i “Društveni izazovi”. Za prvi prioritet namijenjeno je 24,4 milijarde eura, za drugi 17 milijardi eura, a za treći 29,7 milijardi eura. Subjekti kojima je namijenjen ovaj program su akademski sektor, državnim organizacijama, privredi, srednjim i malim preduzećima, udruženjima, nevladinim organizacijama itd. Bosna i Hercegovina je korisnik programa HORIZON 2020.

HORIZON 2020: (Excellent Science -Vrhunska nauka)

(Industrial Leadership - Industrijsko vodstvo)

(Societal Challenges - Društveni izazovi)

<http://ec.europa.eu/research/participants/portal/desktop/en/opportunities/h2020/index.html>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Radni program (2016-2017)

http://ec.europa.eu/research/participants/portal/desktop/en/funding/reference_docs.html#h2020-work-programmes-2016-17

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektnu dokumentaciju, itd.)

Otvoreni pozivi u okviru ” Horizon 2020 ” za mala i srednja preduzeća

<https://ec.europa.eu/easme/en/horizons-2020-sme-instrument#2016-2017>

(Klikom na pojedine pozive, dobićete sve informacije koji se odnose na konkretni poziv: opis poziva, ukupan budžet, rokovi, kompletnu projektну dokumentaciju, itd.)

COSME

Program **COSME** je novi program namijenjen prvenstveno malim i srednjim preduzećima (MSP) za jačanje njihove konkurentnosti na jedinstvenom tržištu Evropske unije. Program ima budžet od 2,3 milijardi eura i otvoren je za period 2014-2020. godine zajedno sa programom HORIZON 2020 . Program je pored MSP-a namijenjen regionalnim i lokalnim organizacijama, te institucijama institucije koje djeluju u svrhu podsticanja, promocije ili davanje podrške preduzetništvu. Cilj programa je da smanji administrativne i regulatorne poteškoće sa kojima se susreću MSP-ovi i to kreiranjem povoljnijeg okruženja za preduzeća. Bosni i Hercegovini će ovaj program biti dostupan od 2017 godine.

Nema otvorenih poziva trenutno.

EUREKA

EUREKA je evropska mreža za finansiranje tržišno orijentiranih projekata iz različitih tehničkih oblasti. Pokrenuta je 1985.godine od strane 17 zemalja članica iz Zapadne Evrope, danas ima 38 punopravnih članica. EUREKA pomaže izgradnju partnerstva kroz zajedničke multilateralne projekte s ciljem jačanja evropske konkurentnosti. Program je namijenjen istraživačkim institucijama i firmama, spremnim da zajedničkim ulaganjima u određenim programskim oblastima zajedno razvijaju nova tehnološka rješenja i proizvode. Na projektu moraju sudjelovati najmanje dva partnera iz dvije različite države. Od 2009-te godine Bosna i Hercegovina je punopravna članica programa EUREKA. <http://www.eurekanetwork.org/content/eureka-network-projects>

Rok za prijavu: Poziv je otvoren tokom čitave godine.

KREATIVNA EVROPA

KREATIVNA EVROPA je novi program Evropske unije za podršku evropskoj kinematografiji, te kulturnom i kreativnom sektoru s ciljem njihovog doprinosa održivom rastu i zapošljavanju. Program je namijenjen za davanje podrške očuvanju i promovisanju evropske kulturne i jezičke raznolikosti, te davanju podrške jačanju konkurentnosti sektora, čime će se doprinijeti ostvarivanju ciljeva EU2020 strategije. Kako se navodi na zvaničnoj stranici Evropske komisije https://ec.europa.eu/programmes/creative-europe/calls_en

i evropskih fondova (europski-fondovi.eu), program Kreativna Evropa otvoren je za zemlje članice EU, zemlje članice EFTA-e, države pristupnice, zemlje kandidate i potencijalne kandidate Evropske unije, te za zemlje obuhvaćene politikom prema susjednim zemljama. Bosna i Hercegovina je u programu Kreativna Evropa od 2014-te godine.

European Capital of Culture:

https://ec.europa.eu/culture/calls/2014-eac-14_en

Media :

https://eacea.ec.europa.eu/creative-europe/actions/media_en

Distribution :

https://eacea.ec.europa.eu/creative-europe/actions/media/distribution_en

Distribution- Support to sales agents:

https://eacea.ec.europa.eu/creative-europe/funding/distribution-support-sales-agents-2016_en

Rok za prijavu: 03/10/2017

Distribution Automatic Support 2016 :

https://eacea.ec.europa.eu/creative-europe/funding/distribution-automatic-support-2016_en

Rok za prijavu: 01/08/2017

ERASMUS+

ERASMUS + je novi program Evropske unije za obrazovanje, obuku, mlade i sport za period 2014. – 2020. godine. Program Erasmus+ obuhvata sve evropske i međunarodne programe, mreže, platforme i inicijative EU u području obrazovanja, obuke, mladih i sporta¹. Namijenjen je učenicima, studentima, nastavnom i nenastavnom osoblju na svim nivoima obrazovanja, mladima između 13 i 30 godina, pojedincima, osoblju i članovima organizacijama koje rade sa mladima: sportskim radnicima, volonterima i sportistima.

http://ec.europa.eu/programmes/erasmus-plus/calls-for-proposals-tenders/2016-eac-a03_en

Kalendar događaja poslovnog povezivanja

Vijesti iz Evropske unije po željenim oblastima

Evropska preduzetnička mreža u Federaciji Bosne i Hercegovine

een.ec.europa.eu



Vanjskotrgovinska komora Bosne i Hercegovine